

GAZTELUGATXE ALKARTEAGAZ LANKIDETZA HITZARMENA.

Bermeon, 2019ko abenduaren 30ean.

BATU DIRA

ALDE BATETIK: ARITZ ABAROA CANTUARIENSE Jn. (NAN: _____) Bermeoko
Udaleko alkate-udalburua.

BESTE ALDETIK: JOSE IGNACIO MAURI AZKARATE Jn./And (NAN: _____)
Gaztelugatxe alkarteko presidentea.

PARTE HARTZAILEAK

ARITZ ABAROA CANTUARIENSE Jn., Bermeoko Udalaren ordezkari eta izenean,
2019ko abenduaren 30eko 3.046 zenbakidun Alkatetza Dekretuz erabagitarako jarraiki,
eta Tokiko Araubidearen Oinarriak arautzen dauzan Legeko 21.1.b) eta r) artikuluek
emondako ahalmenaren arabera, eta

beste aldetik,

JULIAN MAURI BILBAO Jn., Gaztelugatxe alkartearen ordezkari eta izenean,
alkarteko presidentea legez, horreez karguak ematen deusiezan ahalmenen arabera.

ADIERAZTEN DABE

Bermeoko Udalaren ahalmenen artean dagoela udal-ondare historikoa babestea
eta kontserbatzea, Euskadiko Toki Erakundeei buruzko 2/2016 Legearen 17.1.21)
artikuluagaz bat eta, era berean, lege bereko 17.1.28) artikuluen arabera, Udal-
ondarea kudeatzea eta ondare horren erabilera, zertarako, kontserbazioa eta
mantentza lana arautzea.

Eta Udalaren asmoa dala, gitxienezko derrigorrezko ahalmenetatik haratago
joanda, arlo bi horreez erlazionatutako boluntariotza sustatzea, Bermeoko
Udalerraren eta bere ondarearen onuran.



Hori horrela, herrian historikoki arlo horreetan boluntarioritza bidez jarduten dauen Gaztelugatxe alkartea egonda, Bermeoko Udalak alkartea lagundu gura dau bere orain arteko boluntarioritza sustapenagaz jarraitzeko eta baita be Gaztelugatxen egiten dabezan mantentze lanakdiruz laguntzeko.

Bestalde, Gaztelugatxe alkartea, boluntarioz osatutako alkartea da eta, bere helburu nagusia, Gaztelugatxe mantentzen laguntzea da, oso garrantzitsu eta beharrezkoak diran lanen bidez egiten dabena, ezelako kontraprestazio ekonomiko barik.

Ondorioz, alderdi bien lankidetzea eta Bermeoko Udalak emongo deutson dirulaguntza arautzea da hitzarmen honen helburua.

ERABAKITZEN DABE

LEHENENGOA: Hitzarmenaren xedea.

Bermeoko Udalak Gaztelugatxe alkarteari lagunduko deutso, boluntarioritzaren sustapenaren bidez, Gaztelugatxeren jabote eta mantentze lanak egin daiezan.

HIRUGARRENA: Dirulaguntzaren zenbatekoa.

Zio hau bide dala, Bermeoko Udalak hiru mila ehun eta larogeita hamairu (3193 €) ordainduko deutsoz Gaztelugatxe alkarteari, 008.00.3361.0.481.01.14 partidaren kontura. Diru kopuru oso ordainduko jako, kontutan eukita urtea amaitzear dagoela.

LAUGARRENA: Dirulaguntzaren ezaugarriak.

Dirulaguntzak borondatezkoak eta aldi baterakoak izango dira. Baten emoteak ez deutso derrigortasunik eragingo Bermeoko udalari, eta ez dau beste urte batzuetarako eskubiderik emoten ez aurrekaririk ezarten.

Dirulaguntza ezin izango da gehitu ez berrikusi (ezin da erreklamaziorik egin).

BOSGARRENA: Gaztelugatxe alkarteak bete beharreko baldintzak.

Gaztelugatxe alkarteak honako baldintza honeek beteko dauz:



- a) Gaztelugatxeren jabote eta mantentze lanak, boluntariotzaren bidez, eta irabazteko asmo barik garatzea.
- c) Bermeoko Udalak beste inoiz diru-laguntzaren bat emon badeutso, diru-laguntza horren kontra egindako gastuak justifikatuta eukitea.
- d) Hitzarmena sinatzen dan egunean tokiko zerga zorrak ordainduta daukiezala kreditatu beharko dabe. Bermeoko Udalak ziurtatuko dau puntu hau.
- e) Egunean egotea betebeharr fiskaletan eta Gizarte Segurantzian.
- f) Ezin izango da inolako dirulaguntza edo laguntzarik emon sexuaren ziozko bereizkeria eragiten dauen edonolako jardueratarako.
- g) Emakumeen eta Gizonen Berdintasunerako otsailaren 18ko 4/2005 Legearen arabera sexu-diskriminazioan erori izanagatiko zigor- edo administrazio-arloko zigorra jaso ez izanaren aitorpena.

SEIGARRENA: Dirulaguntzaren ordainketa eta egin beharrekoak.

Hitzarmenean jasotako ordainketea egin aurretik, 5. puntu eskatzen diran baldintzak beteten dirala ziurtatzen dauen zinpeko aitorpena aurkeztu beharko da, alkarteko lehendakariak sinatuta, udaleko zein Erregistro Orokorrean, edo Herri Administrazioen Administrazio Prozedura Erkidearen 39/2015 Legeko 16.4. artikuluan jasotako bestelako erak erabiliz.

Hitzarmena sinatu eta 10 laneguneko epean, agiri honek aurkeztu beharko dira:

- a) IFK-ren kopia eta alkartearen estatutuak aurreko urteetan ez badira aurkeztu.
- b) Ogasun Sailaren eta Gizarte Segurantzaren ziurtagiria esanez egunean dagozala betebeharr fiskaletan eta Gizarte Segurantzian.
- c) Aurreko urtean eginiko jardueren txostena. Txostenean lehenengo atalean finkatutako xedeagaz egindako lan edota jardueran deskribapena jasoko da.
- d) Alkartearen sarrera eta gastuen balantzea aurkeztu beharko da, eta bertan agertu beharko da ze neurri ekonomikogaz lagundu diran alkartearen zereginak aurrera eroateko (kuotak, bestelako dirulaguntzak, etab.) eta gastuen jatorria (materialeak, garraio gastuak, ...). Puntu honeguz batera faktura originalak edo fotokopia konpultsatuaq aurkeztu behar dira. (Udaleko Berhaz bulegoan konpultsak egiten dira).



Dokumentazioaren aurkezpena egiterakoan ez bada aurreko puntuetan eskatutakoa zehatz beteten, interesdunak 10 eguneko epea izango dau akatsak zuzentzeko. Denpora tarte horretan ez badira zuzentzen, eskariari uko egiten jakola ulertuko da.

Agiri honeek ez aurkeztea dirulaguntzea ukatzeko eta ordaindutakoa itzultzeko zioa izango da.

Itzulketara egin behar izatekotan, lege interesak gehituta itzuli beharko da.

ZAZPIGARRENA: Bestelako sarrera edo dirulaguntzen bateragarritasuna.

Jasotako diru laguntza lortu daitekezan bestelako sarrera publiko zein pribatuek bateragarriak izango dira, beti be gain-finantzaketarik ez dagoen bitartean.

Horrela izanda Gaztelugatxe alkartea behartuta egongo da bere finantzaketarako lortzen dauzan bestelako sarrera eta dirulaguntzen barri emotera eta, danatara %100etik gorako finantzaketarik lortzen badau, Bermeoko Udalari horren barri emoten, gain-finantzatutako kopuruak berreskuratzeko prozedurari hasiera emon daiezan.

Horrela egingo ez balitz, zigorra ipintzeko arrazoia izango litzake, itzuli beharreko kopuruari lege interesak aplikatzearen kalte barik.

ZORTZIGARRENA: Euskerearen erabilera.

- Herriaren hizkuntza ezaugarriak kontutan eukita, publizitatea eta komunikazio ekintzak euskeraz egingo dira bai ahoz, zein idatziz: argitaratzen diran iragarki, ohar, kartel eta gainontzekoak euskeraz egingo dira. Euskerea ez dan beste hizkuntzaren bat erabiltzekotan publizitatea eta komunikazio ekintzetan, lehentasun osoa eukiko dau euskereak (3-1).

- Euskerearen kalitatea bermatu beharko da eta udaleko Euskera Sailaren laguntzea izango dau arraun alkarteak hizkuntza aholkularitzea eta laguntzea behar dauenean.

BEDERATZIGARRENA: Debekatutako jarduera sexistak.

- Debeku da pertsonen sexuan oinarritzen den bereizkeria oro, zuzenekoa zein zeharkakoa, edozein delarik ere hartarako erabilitako era.



- Ezin izango da adierazi, pertsonak, sexu batekoak edo besteak izateagatik, giza duintasun gutxiago edo gehiago dutela, ez eta objektu sexual soilak direla ere. Orobat, ezingo zaie zabalkundea eman emakumeen aurkako indarkeria justifikatu, horri garrantzia kendu edo horretara bultzatzen duten edukiei.

HAMARGARRENA: Gaztelugatxe alkartearen betebeharrak:

1. Hitzarmen honetan jasotakoa betetea.
2. Edozelako publizitarerik egingo balitz, Bermeoko Udalaren logoagaz agertzea.
3. Bermeoko Udalari lankidetzaren kontrola egiten iztea.
4. Aurretik emondako dirulaguntza guztiak justifikatuta eukitea.

HAMAIKAGARRENA: Jasotako diruaren justifikazioa.

Gaztelugatxe alkarteak jasotako diruaren justifikazioa egin beharko dau, honeek dokumentuak ekarrita:

- Gastuen eta sarreraren balantzea, gastuen ganeko faktura originalak edo fotokopia konpultsatuak eta ordaindu izanaren egiaztagiriak aurkeztu behar dira. (Udaleko Berhaz egiten dira konpultsak).
- Egiaztapena egin eta gero, originalak itzuli egingo dira. Ez da onartuko beste gastu batzuen justifikaziorik, horreek ez bada balio dirulaguntzearen helburuak lortzeko.
- Emondako diru guztia gastatu ez bada, justifikazioa eginda, itzuli egin beharko da.

HAMABIGARRENA: Hitzarmenaren jarraipenerako Batzordea.

Hitzarmenaren jarraipena egiteko Jarraipen Batzorde bat eratuko da, zeinetan erakunde bakoitzeko ordezkari bik hartuko daben parte. Batzordea urtean behin batzartuko da gitxienez.

HAMAHIRUGARRENA: Hitzarmena ez betetzearen ondorioak.

Gaztelugatxe alkarteak hitzarmen honetan jasotakoak ez betetzeak, dirulaguntza murrizteko edo kentzeko arrazoia izango da, Dirulaguntzak arautzen dauzan 38/2003



Legearen 37. Artikuluagaz bat eta, horretarako, lege bereko 42.a artikulua xedatzen dauan prozedura jarraituko da.

HAMALAU GARRENA: Udalaren betekizunak, diru publikoaren erabilerari jagokonez.

Bermeoko Udalaren, bere aldetik, eta Diru-laguntzak arautzen dauzan 38/2003 Legearen aginduari jarraituta, honako eginkizunak beteko dauz:

- Emondako diru-laguntzearen kontrol egokiak egin, diru-laguntza oinarritzen daben helburua eta egintzak benetan burutu dirala ikusi ahal izateko.
- Lege berari jarraituta, diru-laguntzearen oinarriak bete ez dirala ikusten bada edota ez dirala era egokian justifikatu ikusi ezker, desbideratutako diru publikoa berreskuratzeko, egokiak diran prozedura eta espedienteak izapidetuko dauz, hamargarren atalean adierazotakoagaz bat.

HAMABOS GARRENA: Hitzarmenaren iraupena.

Hitzarmen honek 2019. urtean eukiko dau eragina, aurreko atalean aitatutako ondorioak 2019. urtea amaituta izapidetu edota aplikatzearen kalte barik, beti be preskripzio epearen barruan.

HAMASEI GARRENA: Arau-hauste legez hartuko dira jokabide honeek:

- 1.- Laugarren ataletik bederatzigarren atalera jasotako betebeharrak ez betetzea.
- 2.- Jasotako dirulaguntza ez justifikatzea horretarako emondako epean.
- 3.- Eskuratutako bestelako sarreraren barri ez emotea, bardin publikoak zein pribatuak izan.
- 4.- Gain-finantzaketarik balego, horren barri ez emotea edota itzuli beharreko kopuruak ez itzultzea.

Lehenengo atalean jasotako arau-hausteen kasuan, onartutako dirulaguntza muriztea ekarriko dau zigor moduan, egindako ez betetzeen garrantziaren arabera kalkulatu dana, ez bada ez betetzeen larritasunagaitik dirulaguntza osorik itzultzea erabagitzen dala.



Beste hiru ataletan aurreikusitako arau-hausteen kasuan, dirulaguntza osorik itzultzea ekarriko dau zigor moduan, eta hurrengo urteetan dirulaguntza barriak eskuratzeko ezintasuna suposatuko dau.

Zigor horreek ipinteko, hitzarmen honen hamargarren artikuluan adierazoten dan legez, 38/2003 legeak aurreikusitako prozedura jarraituko da eta, erabagia hartu orduko, interesdunari entzunaldia emoten jakola bermatuko da.

HAMAZAZPIGARRENA: Aitorpen eta eskertasuna.

Alde biek alkarlana eta lankidetzeta aitortu eta eskertasuna agertzeko konpromisoa hartzen dabe, alkarregaz idazten dabezan agirietan. Hori horrela, alde bien parte hartzea espresuki agertuko dabe, eta erakunde bien logo edo ikurrak agertuko dira.

HEMEZORTZIGARRENA: Legedi aplikagarria.

Hitzarmen honeri honako legedia aplikatuko jako:

1. Dirulaguntzak arautzen dauzan 38/2003 Legea.
2. Dirulaguntzen Legearen Erregelamendua onartzen dauan 887/2006 Errege Dekretua.
3. Zuzenbide administratiboko arau orokorrak.
4. Zuzenbide pribatuko arau orokorrak.

Hori horrela, hitzarmenean aurreikusten ez dan guztirako, edozein zalantza argitu eta hitzarmena interpretatzeko, aitatutako legediak aurreikusitakoa jarraituko da zehatz.

HEMERETZIGARRENA: Hitzarmenaren izaera administratiboa.

Hitzarmen honen izaera administratiboa da. Ondorioz, honen aplikazino edo interpretazinoan hartzen diran erabagiak bide administratiboari amaiera emongo deutsee eta zuzenean aplikagarriak izango dira, Administrazinoarekiko Auzibidean errekurritzeko eskubidearen kalte barik.



Eta honela ager daiten honako hau emoten dabenek, agiri hau onartzen dabe, lau ale sinatuz, eragin bakarrerako.

**BERMEOKO UDALEKO
ALKATEA**

Aritz Abaroa Cantuariense



Karmele Muñoa Arrigain
IDAZKARI AKZIDENTALA



**GAZTELUGATXE ALKARTEKO
LEHENDAKARIA**

Jose Ignacio Mauri Azkarate

